

御選元詩卷第四十一目錄

五言律詩八

劉永之十一首

貢性之四首

買閭四首

盛或二首

丁鶴年十首

吉雅謨丁一首

趙汭三首

汪克寬二首

金涓十六首

謝應芳十首

孔思吉一首

謝師善一首

徐士茂一首

顧常一首

楊明一首

田耕一首

丘處機二首

馬臻十三首

姬志真一首

吳全節一首

薛元曦三首

黃石翁二首

張雨十二首

鄭守仁一首

于立一首

蔣芟與二首

圓至一首

道英九首

希陵一首

善住二十九首

瑤一首

行端一首

清珙四首

至諱一首

逢一首

元本一首

祖柏一首

至奐一首

淨慧一首

宗衍三首

惟則一首

善犬二首

斯蘊一首

法智一首

大訢八首

本誠一首

善學六首

大圭一首

圓丘一首

孫氏蕙蘭二首

李黨學女一首

鄭氏允端二首

無名氏一首

衛芳華一首

趙賢一首

大德八首

本錄一首

善學六首

大書一首

寶書一首

御選元詩卷第四十一

五言律詩八

劉永之

春日宴胡助教寓館次傳商翁韻

高館向山開
相將海燕來
蘭轂升玉俎
椒醕瀉銀杯
雨竹藏幽鳥
風花點綠苔
傷春無限意
偏憶豫章臺

畦樂園

郭南抱甕者
久與世情疎
砌長龍須草
林開燕尾渠
轆轤花下轉
蒿苳雨中鋤
蔗熟能相寄
酬君蠶葉書

贈傅元賓兼謝梁徵士

百里訪柴荆
秋原獨自行
屐霑山雨滑
衣染澗雲輕
賣

卜應潛姓工詩不趁名故人枉書札煩爲謝高情

溪山漁艇圖

夕陽延暮景秋色遠冥冥流水雙溪綠寒山九疊青石
樓依古木草徑接遙汀釣叟長年在何人問客星

和楊伯謙韻

酌酒長松下垂蘿拂酒杯異禽窺藥鼎乳鹿臥書臺澗
水穿林去山雲帶雨回相期同結屋不厭野人來

送吳德基赴安化令

春江望不極芳草綠江潯千里長沙道孤帆去客心縣
城依水國吏語帶蠻音到日應無事華亭自鼓琴

玉夾潭陂山莊

歲杪涉風煙連村熟芋田路危楓葉斷石險桂根縣鹿
柵成山壘漁梁阻澗泉爭心逐時化耕鑿喜安然

題張四孝廉山居

家住秋山下紛紛霜葉飛雨微檐滴緩風急鴈聲稀楚
國戰初罷贛城人未歸憐君奉甘旨終歲掩柴扉

經湖口縣

古縣開湖口高檣集岸隈山從廬阜起江向武昌來近
水皆楊柳荒城半草萊客心元自速更遣曉風催

題方方壺畫仁智圖爲道士王默因賦

玉檢神仙記瓊臺羽士家軒窗明日月冠佩翦雲霞白
鶴窺殘奕青童埽落花憶曾訪丹術楓徑駐輕車

陳君心吾以黃鼠筆見貽此筆唯京師多用之
江南罕得也賦此贈之

冰鼠金毫銳霜筠翠管長攜來南郡遠制出北州良
內史來禽帖黃門急就章秋林多柿葉揮灑興難忘

貢性之

梅花扇

香雪綴晴梢東風暖未消路經蘇小墓船泊段家橋
瘦倚吟邊竹寒低月下簫逋仙杳何許千古若爲招

過破衣菴訪阮子昌

行過河西曲來尋小阮家繞籬都種菊十月未開
花遠樹含秋色輕雲護晚霞也須頻到此隔屋酒堪賒

題畫

窗戶碧玲瓏看山面面通樹涵雲外雨涼度水邊風淪
茗啖童嬾揮毫對客雄笑談如著我也入畫圖中

題王師文半篷春雪圖

香是臨流得詩因倚櫂成岸移驚樹轉牆礙覺枝橫似
隔僧廬見如緣閣道行榜人歌斷處疎影月三更

買閭

和年弟聞人樞京城雜詩

鳳詔頒初罷花陰轉玉墀鹽梅調鼎鍊絲竹奏咸池風
靜爐煙直雲開扇影移紫薇花下客爭賦奪袍詩

霄漢樓臺湧春風燕雀飛櫻桃臣舊賜首着馬新肥清

漏傳銀箭紅雲護衮衣窮經晚進士慚授一官歸

雪

朔風吹破屋曙雪下繽紛六合渾清氣千山盡白雲老
蛟深閉蟄獨鴈遠呼羣想像西湖路梅花瘦幾分

春雨有感

曉雨連山白春雲壓地陰叢篁棲雀亂芳草落花深水
闊西江眼天長北闕心孤桐閒在壁忍操越南音

盛或

過漢浦塘有感

涼飈生綠浦鳴櫓對青山感舊人何在傷秋客未還身
名難自保世事故相關誰識桃源路攜家老此間

往歲攜妻子小龍江上村主人親補屋鄰父共開尊一
別迷雲樹重過掩華門欲尋題壁字嗚咽不能言

丁鶴年

汨汨

汨汨在塵埃羈懷不暫開病將顏玉去愁送鬢絲來招
隱慚高蹈扶顛乏大才行藏成兩失回首有餘哀

送四兄往杭後寄

臨別強言笑獨歸情轉哀離魂悽欲斷孤抱鬱難開太
守隄邊柳徵君宅畔梅過逢如見憶煩寄一枝來

逃禪室臥病簡諸禪侶

高秋多病客古寺寄黃昏野迴常疑虎天寒早閉門離

愁燈下影鄉淚枕邊痕賴有諸禪侶情親似弟昆

登北固山多景樓

風月無邊地乾坤有此樓城隨山北固潮蹴海西流眼界寬三島胸襟隘九州階前遺狠石誰復話孫劉

春日海村三首

錄二首

地僻囂塵遠人稀習俗淳花時恒獨往隨意踏晴春斑竹過頭杖烏紗折角巾蕭然多古意何媿葛天民
門巷絕輪蹄春深綠草齊風光不相負泉石且幽棲卷幔通花氣移牀避燕泥時時得佳句自向竹間題

寓慈湖僧舍次龍子高提舉韻

迢遞過蘭若淹留爲竹林疎鐘雲嶠迴孤竹兩窗深長

嘯非懷昔狂歌豈避今祇緣諸漏盡不受一塵侵

武昌南湖度夏

南浦幽棲地當門罨畫開青山入雲去白雨渡湖來石
潤生龍氣川光媚蚌胎芙蕖三百頃何處著炎埃

病衰

病骨秋增痛衰容日減華臉霞憐竹葉鬚雪妬菱花往
事嗟何及歸程望轉賒少年歌舞地此日屬誰家

贈李仙姑

何年萼綠華來降地仙家花擁青鸞節香隨白鹿車清
輝迴雪月元想結雲霞不赴瑤池宴桃開幾度花

吉雅謨丁

秋過弟鶴年書館夜話

弟兄惟吾老宗族有君知
萬里尚爲客百年能幾時
秋清妨熟寐夜靜話貞期
明日匆匆別還生兩地思

趙訪

江彥明來訪

敲門知有客已謂是君來
亂後交游少秋清懷抱開
劇談無可諱信筆不相猜
木落山容淨樓居且莫迴

病中和伯友絕糧韻

貌比年加老憂如病轉深
風檐驚淅瀝竹徑怯陰森
獨主籌家難朋來阻歲侵
遠書思過鴈危坐自沉吟

次韻玉瑯雲隱圖

并序